

BASES

"IMAXIÑA" 2019

O Festival Audiovisual da Mariña cumpre a súa novena edición, sendo fiel a un concurso que busca aflorar as inxerencias culturais dos estudantes da Mariña Lucense. Preténdese introducir os mariñáns no ámbito audiovisual, ofrecerlles a oportunidade de expresar o que senten pola súa terra a través da imaxe, empregando os soportes tecnolóxicos do seu día a día.

DATAS DE INTERESE

Xoves 12 de decembro. Apertura do prazo de presentación para o concurso.

O martes 31 de decembro: Data límite de presentación de fotografías e vídeos para o concurso (ata as 14.00 horas).

Xaneiro de 2020: Entrega de premios e inauguración da exposición.

PARTICIPACIÓN

Poderán participar todas aquelas persoas que estean cursando estudos de formación (ESO, ESA, bacharelato, ciclos formativos...) durante o ano académico 2019-20 nos institutos Monte Castelo (Burela), Perdouro (Burela), Dionisio Gamallo (Ribadeo), Marqués de Sargadelos (San Cibrao), Vilar Ponte (Viveiro), María Sarmiento (Viveiro), Illa de Sarón (Xove), Alfoz-O Valadouro e Foz.

Temática: A Mariña

Dúas categorías:

-Fotografía: podendo entregar un máximo de 3

-Vídeo: como máximo 2 minutos de duración

REQUISITOS DE PARTICIPACIÓN

a. Admisión de obras

Os traballos deben mandarse a través do servidor www.wetransfer.com ao correo electrónico: contacto@imdecum.com

Na mensaxe de envío deberán figurar nome e apelidos do concursante, DNI, centro e curso, teléfono de contacto e correo electrónico de contacto.

Os traballos, que poderán ser individuais ou grupais, deben ser inéditos e orixinais. Non se admitirá ningún traballo cuxos dereitos de propiedade intelectual non pertencen integramente e sen excepción ao propio participante do concurso.

Para os traballos nos que aparezan persoas recoñecibles, os concursantes deberán ter a súa autorización.

A organización resérvase o dereito a pedir unha carta asinada polas devanditas persoas, autorizando o uso da súa imaxe, que o participante deberá presentar no caso de ser seleccionada a súa obra.

A organización resérvase o dereito de descartar e excluír do concurso os traballos presentados nos seguintes casos:

BASES

"IMAXIÑA" 2019

§ Cando non se adapten á temática do concurso

§ Cando non reúnan un mínimo de requisitos de calidade artística, a xuízo da organización

§ Cando puideran resultar de mal gusto ou ofensivos polo seu contido, a xuízo da organización

§ Cando non alcancen o mínimo establecido nos requisitos técnicos

b. Requisitos técnicos

As obras presentadas deberán ter calidade suficiente para ser reproducidas e difundidas. Os traballos deberán axustarse aos seguintes requisitos técnicos:

Fotografías: JPEG, con resolución mínima de 200 ppi

Peso máximo dos traballos: 5 Mb

PREMIOS

O premio, nas dúas categorías, será unha cámara capaz de gravar e facer fotografías.

XURADO E CRITERIOS DE SELECCIÓN

O xurado estará composto por membros da Fundación, así como artistas mariñáns que colaborarán na presente edición. O xurado poderá reservarse o dereito de facer unha preselección das mellores propostas, con votación final en redes sociais.

Os criterios de selección serán:

-A transmisión dun concepto claro

-A orixinalidade

-A técnica: composición, luz e encadramento

RESOLUCIÓN DOS PREMIOS

Unha vez seleccionado o gañador de cada categoría, os beneficiados serán informados a través do número de teléfono facilitado e correo electrónico, así como do centro de ensino do que forman parte. Neste momento, a FUNDACIÓN informará os gañadores do lugar, data e hora no que se lles fará entrega do premio. Un día despois, a organización poderá facer público o nome dos gañadores de Imaxiña 2019 a través das redes sociais (Facebook e Twitter) da entidade, así como da páxina web www.imdecum.com.

No caso de que o gañador do concurso non fora localizado nos 2 días naturais seguintes á resolución do xurado, este decidirá se declara deserto o premio ou se selecciona unha nova obra. En calquera momento, o xurado poderá declarar deserto calquera dos premios.

BASES

"IMAXIÑA" 2019

DEREITOS DE AUTORÍA

Os organizadores do concurso resérvanse o dereito de expoñer as fotografías e vídeos, pero recoñeceranse os dereitos de autoría a cada participante.

Os dereitos de uso, difusión, distribución, exhibición, exposición, comunicación pública, divulgación e reprodución de todos os traballos presentados ao concurso quedarán cedidos á Fundación Imdecum, co obxecto de que esta os poida reproducir e comunicar pública, gratuitamente e con identificación dos seus autores se o considerase preciso.

PROTECCIÓN DE DATOS

Regulamento (UE) 2016/679 de 27 de abril (GDPR) e Lei Orgánica 3/2018 de 5 de decembro (LOPDGDD).

Os participantes no presente concurso aceptan e dan o seu consentimento para que os datos persoais esixidos para a inscrición no concurso sexan incorporados a un ficheiro automatizado titularidade da Fundación Imdecum e tratados coa finalidade de desenvolver o concurso. A entrega dos datos persoais esixidos para a inscrición no concurso é obrigatoria para poder levala a cabo. De igual modo, a Fundación Imdecum adoptou os niveis de seguridade de protección dos Datos Persoais requiridos, e procura instalar aqueles outros medios e medidas técnicas adicionais ao seu alcance para evitar a perda, mal uso, alteración, acceso non autorizado e roubo dos Datos Persoais facilitados polos participantes do concurso.

O usuario participante garante que os Datos Persoais facilitados á Fundación Imdecum con motivo da presente promoción son veraces e faise responsable de comunicar a estas calquera modificación.

A Fundación queda expresamente autorizada a utilizar tales datos para finalidades de comunicación e promocionais sobre as súas actividades, autorizando expresamente os concursantes á Fundación para o envío de comunicacións sobre as súas actividades e promocións, incluídas as comunicacións electrónicas. Os concursantes teñen recoñecidos e poderán exercer os dereitos de acceso, cancelación, rectificación e oposición, contactando por escrito coa Fundación Imdecum a través do correo electrónico contacto@imdecum.com.

ACEPTACIÓN TÁCITA DAS BASES

A simple participación neste concurso supón a aceptación destas bases na súa totalidade.

A Fundación Imdecum resérvase o dereito de modificar as condicións do presente concurso en calquera momento, e incluso de anulalo ou deixalo sen efecto, sempre que conorra causa xustificada para iso. En todo caso, comprométese a comunicar por esta mesma vía as bases modificadas ou, no seu caso, a anulación do concurso no seu conxunto, de forma que todos os participantes teñan acceso á devandita información.

As bases estarán dispoñibles na dirección dos centros participantes para calquera persoa que queira consultalas.